

中華民國二年六月九日

# 湖南政報

中華民國郵政局特准掛號

每三日出報 每月每份售銅元三十八枚 零售每册銅元四枚 (郵費另加)

第七十二册總發行都督府政報發行所

印刷所新湘印刷公司

湖南大都督譚令 現開辦湖南政報以爲公佈各項法令之用業經委任具允昕爲該處總理並訂定政報

處簡章十條定於十月二十七日出版發行合卽通令該司處局廳署仰卽轉飭所屬一體遵照此令

△目錄▽

◎本省令

都督令 二則 並財政部布告

◎呈批

財政司批 二則

實業司批 二則

◎公文

財政司呈都督查湖南銀行發行票幣實在情形清理賬目便乞轉省

議會由

◎轉錄

中央命令

臨時大總統令

◎公文

財政部善後借款合同經參議院通過情形紀實



△命令▽

都督令

▲都督令巡警廳查照外交司呈水陸洲地方添設警察由

案據外交司呈稱竊查大西門外水陸洲地方地當孔道居民良莠不齊宵小最易匿跡近來發生竊案層見迭出防不勝防一經被竊破獲無期固闔時有戒心幾至不能安枕推原其故皆由該處界在兩河之中地面遼闊無警察以司巡緝致令匪類肆無忌憚得以任意橫行或謂該處現當設有水警豈皆熟視無睹不知其責任僅及水面商船若如陸居人民從不過問雖屬狃於習慣然職務使然也且英領事暨稅務司住宅俱在該洲設有不虞勢必藉爲口實與其交涉戶事後不若防範於事先本司前擬添招巡捕就該洲設立分局卽由商埠巡捕局員管理業經呈鈞府現在賊風日熾捕務不容稍懈非速爲添設殊不足以靖地方所有規畫一切祇候鈞府批准之後卽由本司責成商埠巡捕局員察度情形趕緊設局再行另案呈報本司爲保衛治安嚴防偷竊起見所請將水陸洲添設巡捕分局各緣由是否有當理合備文呈請察核批示祇遵等情據此除批呈悉水陸洲地方遼闊良莠不齊亟應添設警察以司巡緝候行巡警廳查照辦理毋庸另設巡捕分局也等因印發外合行令仰該廳卽便查照辦理此令

●都督令司法籌備處會同財政司核議湘潭縣知事呈縣監獄經費懇於田賦存留提解四分之一初級法院費及法院所收之保證金等項費內開支由

案據湘潭縣知事朱樹斌呈稱竊查湘潭縣田賦八錢存留之款前奉鈞府令作爲行政司法自治經費



嗣覆先後奉司法民政兩司令提四分之一解司作初級法院經費又監獄經費仰在行政廳支發又提四分之一作警察經費各等因是款惟一項而指撥多端不惟因應俱窮尤恐顧此失彼隨經咨交縣議事會提議去後茲准議決咨覆前來據稱我邑田賦存留一款每年僅得銀二萬九千零陸拾餘兩遵照都督暨司法司令作爲行政司法自治三項經費就中提四分之一解司轉發初級法院應支銀七千二百五十餘兩本年預算行政廳及財產管理處應支銀一萬八千五百九十餘兩縣議會及參事會應支銀六千九百八十餘兩合以上三項計之共應支銀三萬二千八百二十餘兩以入抵出不敷之數已達三千七百六十兩有奇尙須設法彌補至警費一項合計原有之警款及支配之贖捐核實動支暫可敷用無須再於田賦存留項下派分津貼故此項警察預算尙無滯碍難行之處惟監獄事項每歲額支及活支約需銀四千九百餘兩現在款既無着而該項又不能偏廢困難情形於斯爲極查監獄性質與司法本爲一類欲求完滿之解決應請貴廳具呈都督暨司法司察核並懇其將監獄應需一切費用卽准於田賦存留提解四分之一初級法院費及初級法院所收之保證金印花稅罰款等費內合併開支以善地方而謀公益案經讀會通過相應備文咨請察核迅予施行等因准此理合呈請鈞府俯賜察核准將監獄應需一切費用卽在田賦存留提解四分之一初級法院費及初級法院所收之保證金印花稅罰款等費內合併開支伏候批示祇遵等情據此除批呈悉俟行司法籌備處會同財政司核飭遵照此批等因印發外合就令行該處卽便查照會核飭遵此令

▲都督令各機關准財政部咨送借款布告及借款合同通過紀實說帖由



案准 財政部咨開為咨行事竊自五國借款合同簽字以後本部業將詳細情形於四月二十六日二十八日先後通電各省都督民政長暨省議會在案乃近日浮議橫生謠言迭起或以前參議院通過之件而指為違法簽字或未覩新借款合同之內容而稱為監督財政電牘紛馳語多激烈揆厥由來或別有用意藉端鼓煽或懵於事實致生誤會殊不知本部辦理此事磋商經年所有合同條件確經前參議院於上年十二月二十七日通過至此次借款萬不得已之理由磋商困難之情形合同條件通過前參議院之事實自非詳細宣布昭告國民不足以息浮言而明真相事關大局茲由本部將此借款詳情擬具布告一通並將國務總理暨本總長當日同赴前參議院通過借款合同實情叙一說帖分別刷印隨文咨送各省都督民政長各將軍都統及各鎮邊使查照迅即轉發各屬地方官以及各法定團體一律知悉其已辦公報省分并即刊登公報俾各曉然於本部辦理此事之真相藉免誤會而杜謠傳是為至要除布告說帖各隨文分別咨送外相應咨請查照辦理可也等因准此查借款合同通過紀實說帖前准 財政部函達到湘當經分行該處在案茲准前因除分行外合將布告一份令發該處即便查照刊登公報俾衆周知此令

計發財政部布告

為通告事照得借款一事動議經年現已成立政府辦理此事其中萬不得已之苦衷磋商困難之情形暨此次所訂借款合同通過前參議院之事實凡我國民或未深悉用特撮舉概要明白宣布俾息浮言而明真相蓋財政為立國之命脈光復以後中央無涓滴之收入各省均自顧之不遑舉凡從前京餉協



餉洋款賠款均已停解一年以來所賴以東挪西補彌縫支持者除少數之國民捐外惟小借款是賴然無源之水本不足恃久涸之餘到手輒盡軍隊林立國中而餉不繼時常虞譁變萬事非財不辦而待炊無米建設更難其尤爲奇危大險而不可一日緩者則洋賠各款是也除上年關稅所入全行抵還尙結欠賠款二百萬鎊外本年洋款之已過期者二百三十餘萬鎊洋款之不久到期者三百六十萬鎊各省歷欠外債二百八十七萬餘鎊綜計英金一千一百萬鎊約合華銀一萬一千萬元之多而本年分又積欠四個月賠款約一百萬鎊此外前清暨南北臨時政府短期零借之款尙不在內數月以來英使既開單索償俄使則催逼尤急而六國銀行團且索還上年之墊款追呼日迫案牘具存前欠各款均有抵押設再延宕不理非獨有失信用抑且債權干涉破產之禍卽在目前呼籲於各省而內外同一困窮加征之囹圄而民力何以堪此值茲存亡呼吸之秋求一兩害取輕之道自非借款曷以支持况鼎革以後公私蕩然百業停滯衡以目前經濟大勢設非輸入外資潤我金融則上下交瘁恐將索諸枯魚之肆理至易明不待識者而知此本部辦理借款再三審慎萬不得已之理由也且此次借款關係政治不僅爲經濟上之問題早爲國人所公認上年共和宣布全球注目在我一方面軍興以後帑藏告匱庫儲無絲毫之餘存在銀團一方面見我國運方新爭欲投其贊本且以表示友邦贊助之決心是以唐前總理有六千萬鎊借款之動議承借者卽爲前辦幣制實業借款之四國銀團因此居奇意在壟斷旋又加入日俄由四國而變爲六國條件更嚴再四磋磨未能就緒當經熊前總長宣告另借停止談判上年八月間本總長蒞任之始竊見此項借款於政治上有莫大之影響時適俄庫協約發見大局危急而倫敦克利士



卜一千萬鎊之借款雖成然上年內止訂交虛數英金二百萬鎊杯水車薪無益於事旋經法公使極力調停乃於十一月間復與銀團正式開議所借數目減至二千五百萬鎊而該團種種要求不稍退讓委曲磋磨屢瀕決裂直至十二月間而條件安定簽字有日銀行團忽以巴耳幹戰事方急歐市金融緊迫要求原議利息五釐之外增加半釐竊計此款數鉅期長半釐之增所虧非淺不得已停止簽字嗣以美國宣告脫團歐洲銀市漸鬆情形忽變五國銀團亦情願繼續磋商利息一節允仍照改五釐幸得就緒事機萬變設非乘此解決則人近我拒非惟坐失時機且恐別有要求四月二十二日奉大總統命令趙總理陸外交總長暨本總長會同簽字遵於四月二十四日簽草合同二十六日復簽正合同此本部與銀團一年以來迭次磋商以及五國借款合同簽字之大概情形也至合同內容上年九月間先經國務會議決定借款大綱五條於上年九月十六十七兩日出席參議院協商取得同意本此標準迭與銀團磋商始終不越大綱範圍之外大要爲借額二千五百萬鎊年息五釐發行票價隨市相機不得少於百分之九十除銀行扣費六釐外淨交不得少於八十四釐期四十七年第十一年起還本以鹽務收入爲抵押用途大半爲還債務其中央行政經費各省裁遣軍隊整頓鹽務不及半數列在合同第二款現後規定清單作爲合同附件將來動用借款必須先經審計處查核方能付款此項條件上年十二月二十七日借總理出席前參議院報告全文並撮要繕印分布公同研究維時因新歷年底賠款到期俄使追迫甚急議長及全院議員均主張即日通過以便於二十九日簽字故首將特別條件逐條表決次將普通條件諮詢全院經衆贊同是合同全體均經通過載明前參議院議事錄第三冊中現在簽字之合



同悉與上年通過之條件相同并無監督之事折扣一層上年業經聲明援照隴秦豫海成案銀行所得准照債票賣價扣百分之六而票價則隨市漲落無定當時銀行團提議限制最低之價不得少於百分之九六零五除銀行川費六釐外淨交不得少於九零五而利息則要求爲五釐半不能再減此次利息爭減五釐銀行團以隴秦豫海實業五釐債票現在歐市發售僅止百分之九一銷售尙不踴躍此次政治債票限數常在實業票價之下故以九十爲最低之限制以期債票暢銷早得現款可應急需而且以利息五釐與五釐五核較按四十七年償期本息平均計之在我可少付二百六十萬四千七百餘萬鎊尙佔優點至稽核鹽務審計用途等款由我聘用洋員會同華員辦理爲從前歷欠借款所無然合同內業已訂明借款本利按期交付則不得干涉鹽政事宜所以防微杜漸亦既深切著明但期此後用途確實而鹽稅所入足敷償還本息外人卽無可藉口不致別有危險此借款合同確經通過前參議院并無監督財政之實在情形也總之此次借款大半爲清還從前債務之用途中英積欠洋賠各款一律劃還外卽各省歷欠外債凡關於五國銀行者共計劃還英金二百八十餘萬鎊此後外人亦不致再向各省饒舌但使上下一心力圖信用不獨舊債賴以整理且可各就所入騰出的款爲一切建設之需以我國之地大物博十年生聚十年教訓終必有否極泰來之一日遠如北美近如日本類皆經此難關可爲我前事之師乃近者浮議橫生或以前參議院通過之件而指爲違法簽字或未覩新借款合同之內容而稱爲監督財政電牘紛馳語多激烈非習於事實致生誤會卽別有用意籍端鼓煽殊不知借款之議已逾經年憂時之彥方懼此款之不能成立政府爲國民公僕苟非先議會之承諾卽銀行亦豈肯貿然投



資乎况合同簽字在政府爲履行前參議院議決之案實爲尊崇法律絕無違背約法之處且以民國先例論上年熊前總長所辦克立士卜借款事前未交院議迨簽字後提請追認參議院亦無異言又隴泰豫海借款卽事先秘密報告一次通過條件簽字後再正式咨照備案若謂違法前參議院對於彼案亦何以自解蓋政府爲國民公僕議院爲國民代表議院通過之件政府自負履行之責此按之法理一定不易者也主論事實凡與外人交涉其得失利鈍全在最後爭執之數小時磋商借款尤守秘密外情變幻稍縱卽逝若已得議院通過而猶必先備文知照然後簽字則必枝節橫生永難結果稍有經驗者當能鑒及此中甘苦是此次借款手續就法理上事實上均無不合明知此等飲鴆止渴之謀原非根本至計但中央財源全在各省民國成立以來中英對於各省有救濟而無收入無日不在左支右絀之中既不能逼催各省解款又不肯橫加賦稅至萬不得已而降心忍氣僅以鹽稅所入抵借外款藉濟目前之急徐爲建設之謀此正全國一心共圖補救之時非感情用事互相責難之日况此項借款除清還外債裁遣軍隊整理鹽務各項用途外其堪以留供行政經費者止三百數十萬鎊不過敷六個月之支柱耳譬猶病入膏肓勢將垂絕急進參苓之劑呼息得以苟延至若痼疾蠲除元氣回復必更投以對證之方藥加以合宜之調攝始得大有轉機稍事遷延變象立見本上年以來對於財政計畫亦曾極力籌維無如內外同一困窮舉措動生牽掣雖有良法美意多成紙上空談推求其故良由中央束縛於債欠各省消耗於軍需以致行政機關懸釜待炊幾同虛設各不相諒徒啓齟齬今也借款告成涸轍旣蘇障礙自去然此六個月內不爲根本之圖迨至六個月後仍陷危亡之境事後論敗咎將誰歸本總長德薄能鮮



乏術匡時若痛深嘗憂兢實甚對於此後財政計畫敢再撮要言之一日統一行政如劃分兩稅嚴核預算實行金庫制度甄別徵收官吏者是一日整飭機關如推設銀行流通紙幣者是一日節流如劃定軍區限制兵額者是一日開源如整理鹽政酌加鹽價者是以上諸端皆目前急不可緩之舉果能於六個月內積極進行六個月後財政整理當有眉目不至恃債爲生則此次借款未始非續命之湯回春之藥否則行政之紊亂如故機關之停滯如故流不能節源不能開亦如故彼時之危險必更有十百於今日者無論借款不能救亡即不借款亦恐亡無日矣日月如駛國難方殷急起直追猶虞不及所望全國公民共了然於此次借款之真相並恍然於此後根本之要圖毋惑一時之浮言當顧百年之大計事苟利國死生以之知我罪我俟諸公論爰當引退避賢之日敢掬良藥苦口之誠天日照臨此心可鑒除將借款始末情形暨合同附件全文另行彙編尅日宣佈外爲此先將大概情形布告全國公民并咨由各省都督民政長轉知各法團咸使聞知俾免疑慮而昭信實特此通告



△呈批▽

○財政司批宜章縣議會正長鄺鴻鈞等呈爲財政奇絀無從彌補仍請加徵契稅由

呈悉查前清契稅迭次加至九分民間已積有怨言來呈乃謂一一投稅不知何所據而云然湘省光復釐爲五分仍截留一分爲地方學警之用是國家收入僅有四分而地方得此一分實屬不無裨補該縣未經呈准私行加至七分已屬不合今乃續請增征四分無論附加超過正稅數倍萬萬無此辦法卽一般富民感於重稅幾何不視買受不動產爲畏途而漏報短價種種弊竇皆由此生其究也所得不償所失徒以買怨於民而已於籌款又何利焉至串票以洋折錢雖屬所出無幾然完納田賦照章兩忙各半乃因此之故必削趾適屨並上下兩忙而一次征之是花戶受折收之弊猶小而感並征之累必多且定章無論餉銀多寡券費須一律完納今乃於未滿五錢者少收錢五十文雖爲嘉惠貧戶起見然所得者在例外而所失者轉在例中利不十不變法况並無利之可言亦奚必陳之務去不如仍舊之爲愈也本司明知該縣財政困難政費無出爲此補苴之謀原非得已之計無如按之學理與事實均有所窒礙而難行故不得不從長計議冀於籌款恤民並行不悖非故好爲異同而置該縣困難於不顧也仰宜章縣知事轉行知照仍候 都督批示此批

○財政司批岳州府知事賀民範呈籌設貧民工藝廠擬附設肥料捐局並撥鹽斤公益捐作爲經費由

呈悉該府籌設貧民工藝廠俾利民生而杜隱患毅力熱心官紳一致良堪嘉尙所擬附設肥料捐局抽



收濟用並撥鹽斤公益捐項下洋一千元作為經費等情既據衆論僉同自屬可行應准如呈備案仰即知照此批

●實業司批周翼崧等呈請設立消湘米業公司懇核准立案由該發起人等組織消湘米業公司以碾米及經理運輸為範圍查閱章程大致尚是仰即抄呈創辦合同載明創辦人每人所認股數及設立後布告股東暨衆人之法將股款總額四分之一存儲銀行或錢店聽候查驗屬實再行開辦此批

●實業司批江兆麟呈擬赴衡設立化學工業實習研究社並呈賣粉筆肥皂各件請立案由據呈敘述於各項實業研求有素查閱費到各件尚能適用擬赴衡州等處設社教授係為造就人才振興工業起見自無不可仍應於開辦時將情形具報查核仰即知照此批



△公件▽

公文

●財政司呈都督查明湖南銀行發行票幣實在情形並請迅飭派員過司會同審計分處前往該行清理賬目便乞轉省議會由

案奉 都督令開准省議會咨准本會財政審查股緘日昨同人調查湖南銀行票額未將印發票額底簿交出總計發行全數以銀元計已逾二千萬有奇並聞該行加發印票一面又訂購新票等情除原文案不叙外後開仰該司轉飭該銀行查照辦理仍將辦理情形迅速具復等因奉此當經本司轉飭湖南銀行查照具復去後茲據該銀行呈稱前經會審查股以來行調查發行票額比經行員檢出底簿並前官錢局歷次在天津日本商務印書館訂印票幣各合同及反正後委託中國圖書公司暨日本訂印票幣合同交其查閱審查員等隨將合同中印票數目抄去茲閱原文如總計本行發行全數已銀元計已逾二千萬有奇其留存未發行者爲數又四百二十八萬有奇一節查前官錢局合本行訂印票紙額數雖多除存庫未做之票及銷燬五兩銀票四百張一兩銀票一萬五千四百張一元銀元票五萬九千八百張五百枚銅元票二萬二千張百枚銅元票三十一萬九千張五十枚銅元票十六萬張不計外截至本年四月底止計收回一兩五兩銀票共一百八十萬三千兩銀元票十五萬六千元各種銅元票共一百一十萬串文計發行一兩五兩流通銀票共三百四十五萬六千兩銀元票四十七萬二千圓五百枚百枚五十枚三十枚二十枚一十枚銅元票共八百〇二萬九千一百八十五串三百文均有底簿可按



統以銀元合計實無二千萬有奇之巨原文所指迨包括庫存及收回銷燬者而言顯與事實不符又如  
訂購新票一節查本年六月間應發退伍休養金期迫款鉅各府州縣因錢糧收入有限紛紛電請大  
司飭本行墊發並經奉令飭即籌備本行若不預爲計及貽誤匪輕設想而迴顧庫存舊票無幾自不能  
不增發新票以應一時之需乃言者不察實際動指爲濫發行爲此誠大惑不解又如虧空虛朦一節查  
此案前湖南公報即信口雌黃任意污蔑登載業經本行具文呈請大司暨 都督審計處會同派員蒞  
行清算賬目有無虛朦當俟清賬員秉公判斷本行暫亦毋庸置辯原文又稱請 都督飭本行將印發  
票額底簿送交審查一節查此項底簿歷年存積甚多笨重異常碼難搬送過會應請俟查賬委員蒞行  
併案檢查以省繁贅總之湘省財力困窮軍興以來支出超過收入數倍以前墊付入司之款既以達六  
百萬兩有奇以後應付退伍軍休養金及蘆鹽價值長岳兩關稅款正金銀行禮和洋行借款約計一百  
六七十萬兩之多均需現銀交付尙無絲毫準備羅掘已盡無米難炊伏冀 省議會諸君發遠大之宏  
謨保地方之現狀如何而籌備現金收回政費所發行之紙幣如何而立集巨款應付政府所必要之急  
需若等構味無知仰屋興歎是不能不希望 省議會合羣策羣力以圖之也緣奉前因理合呈復伏乞  
轉呈核辦等情據此本司查核所呈各節均屬實在情形所有 省議會請飭該行送交票額底簿到會  
審查既據呈明簿多笨重繁贅異常自未便飭令交送且據該行呈請派員清算賬目邀懇併案檢查前  
來虛實均應澈底盤查庶足以昭大信理合據情轉呈 鈞府督核迅飭派員過司會同本司及審計分  
處前赴該行清理以期水落石出并乞轉咨省議會實爲公便此呈



△轉錄▽

●中央命令

臨時大總統令

領參謀總長事黎元洪呈稱湖北都督府參謀長吳醒漢屢呈辭職擬請調京任川等語應照准此令  
領參謀總長事黎元洪呈請任命金永炎為湖北都督府參謀長應照准此令

任命吳德樞為湖北陸軍第三師第五旅旅長此令

陸軍總長段祺瑞呈請任命應龍翔為陸軍第二預備中學校校長應照准此令

吳金彪授為陸軍少將此令

代理國務總理段祺瑞呈據熱河都統熊希齡呈請任命壽鶴飛谷正清鄭慶餘吳明亮為秘書舒和鈞

為軍務廳長李大鈞為內務廳長趙廷燾為財政廳長胡家鈺為教育廳長楊楷為實業廳長希里薩喇

為蒙旗廳長祝毓英為外交專員王克家為司法籌備專員劉善鴻為技正應照准此令

代理國務總理段祺瑞呈稱據福建民政長張元奇轉呈據福建省城警察廳長陳培銀呈請任命陳

景松為秘書林昇熊內生為勤務督察長施侃陳翼謀陳與樾陳文翔為科長應照准此令

陸軍總長段祺瑞呈請授周文炳為陸軍步兵中校應照准此令

陸軍總長段祺瑞呈核覆鑲江旗蒙古都統擬文海富立補驍騎校請予准補等語應照准此令

張懷之授為陸軍中將此令



陸軍總長段祺瑞呈請授何靖爲步兵中校應照准此令

代理國務總理段祺瑞呈稱據黑龍江都督兼署民政長宋小濂轉呈黑龍江省城兼商埠警察廳長翟文選呈請任命方光爲祕書烏森爲勤務督察長張殿卿劉毓德趙繼武王文燦爲科長李鴻臣爲消防督察長應照准此令

代理國務總理段祺瑞呈稱據浙江都督兼署民政長朱瑞呈請任命周季先爲杭縣知事盛同枝爲富陽縣知事程士毅爲臨安縣知事王家琦爲海鹽縣知事李盛爲石門縣知事陳毓琳爲吳興縣知事魏蘇爲武康縣知事沈祖綿爲鄞縣知事徐鼎年爲諸暨縣知事趙次勝爲嵊縣知事來長泰爲臨海縣知事周日宣爲金華縣知事保應泰爲江山縣知事余重耀爲建德縣知事楊道喏爲遂安縣知事俞鑑澄爲壽昌縣知事于振成爲玉環縣知事應照准此令

趙學芳授爲陸軍少將此令

陳元泳授爲陸軍少將此令

任命徐寶珍署江蘇陸軍第四師師長此令

任命秦步衢爲廣西陸軍第一師步兵第一旅旅長莫榮新爲廣西陸軍第一師步兵第二旅旅長龍觀光爲廣西陸軍第二師步兵第三旅旅長林俊廷爲廣西陸軍第二師步兵第四旅旅長黃榜標爲廣西陸軍步兵第五旅旅長此令

任命邵義署蕪湖關監督此令



陸軍總長段祺瑞呈請任命賁克昭爲廣西陸軍第一師步兵第一旅第一團團長陳坤培爲廣西陸軍第一師步兵第一旅第一團團長劉炳宇爲廣西陸軍第一師步兵第二旅第三團團長劉震寰爲廣西陸軍第一師步兵第二旅第四團團長宣宗輝爲廣西陸軍第一師騎兵第一團團長林彜爲廣西陸軍第一師砲兵第一團團長納順洪爲廣西陸軍第二師步兵第三旅第五團團長張耀山爲廣西陸軍第二師步兵第三旅第一團團長曾廣義爲廣西陸軍第二師步兵第四旅第七團團長黃自新爲廣西陸軍第二師步兵第四旅第八團團長李嘉品爲廣西陸軍第二師騎兵第二團團長黃培桂爲廣西陸軍第二師砲兵第二團團長陸裕光爲廣西陸軍步兵第五旅第九團團長彭玉勝爲廣西陸軍步兵第五旅第十團團長應照准此令

代理國務總理段祺瑞呈稱據貴州都督兼署民政長唐繼堯呈請任命胡勛聶正瑞孟光煥周厚基爲總務處科長葉春華爲內務司科長賀緝熙涂克修袁大勛季煌照爲財政司科長蕭開瀛孟廣焜白玉榮龔兆瀛爲教育司科長李世光李光啓張日炎爲實業司科長應照准此令

代理國務總理段祺瑞呈稱據甘肅都督兼署民政長趙惟熙轉呈甘肅省城警察廳長楊炳榮呈請任命劉傳綸爲秘書和欽璧蔣澍霖楊廷晉爲勤務督察長王克仁白鑒真楊廷俊張炳炎爲科長黃端甫爲消防督察長應照准此令

領參謀總長事黎元洪呈請任命周郁文爲廣西陸軍第一師參謀長董培爲廣西陸軍第二師參謀長應照准此令



陸軍總長段祺瑞呈請任命賁克昭爲廣西陸軍第一師步兵第一旅第一團團長陳坤培爲廣西陸軍第一師步兵第一旅第二團團長劉炳宇爲廣西陸軍第一師步兵第二旅第三團團長劉震寰爲廣西陸軍第一師步兵第二旅第四團團長宣宗輝爲廣西陸軍第一師騎兵第一團團長林彝爲廣西陸軍第一師砲兵第一團團長納順洪爲廣西陸軍第二師步兵第三旅第五團團長張耀山爲廣西陸軍第二師步兵第三旅第一團團長曾廣義爲廣西陸軍第二師步兵第四旅第七團團長黃自新爲廣西陸軍第二師步兵第四旅第八團團長李嘉品爲廣西陸軍第二師騎兵第二團團長黃培桂爲廣西陸軍第二師砲兵第二團團長陸裕光爲廣西陸軍步兵第五旅第九團團長彭玉勝爲廣西陸軍步兵第五旅第十團團長應照准此令

代理國務總理段祺瑞呈稱據貴州都督兼署民政長唐繼堯呈請任命胡勛聶正瑞孟光煥周厚基爲總務處科長葉春華爲內務司科長賀緝熙涂克修袁大勛季煌照爲財政司科長蕭開瀛孟廣焜白玉榮龔兆瀛爲教育司科長李世光李光啓張日炎爲實業司科長應照准此令

代理國務總理段祺瑞呈稱據甘肅都督兼署民政長趙惟熙轉呈甘肅省城警察廳長楊炳榮呈請任命劉傳綸爲秘書和獻璧蔣澍霖楊廷晉爲勸務督察長王克仁白鑒真楊廷俊張炳炎爲科長黃端甫爲消防督察長應照准此令

領參謀總長事黎元洪呈請任命周郁文爲廣西陸軍第一師參謀長董培爲廣西陸軍第二師參謀長應照准此令



成



領參謀總長事黎元洪呈請任命劉權爲黑龍江都督府參謀應照准此令

代理國務總理段祺瑞呈請任命裴景元爲晉北樞運局局長應照准此令

陸軍總長段祺瑞呈核覆鑲白旗滿洲都統擬以格琿泰襲世管佐領請准予接襲等語應照准此令

蒙藏事務局呈稱據昭烏達盟敖漢右旗扎薩克親王色凌端魯布呈請任命扎木養喇克巴什濟特多

爾濟均爲敖漢右翼協理台吉應照准此令

任命蔡國斌爲陸軍第十四師步兵第二十七旅旅長此令

代理國務總理段祺瑞呈稱據奉天都督兼署民政長張錫鑾轉呈中路觀察使張翼廷呈請任命黃羲

爲秘書陳德海爲內務科科長李宏元爲財政科科長聞啓元爲教育科科長戴瑞珍爲實業科科長應

照准此令

代理國務總理段祺瑞呈稱據奉天都督兼署民政長張錫鑾轉呈東路觀察使朱淑新呈請任命張勵

年爲秘書陸永恆爲內務科科長吳元爲財政科科長岳式程爲教育科科長蕭曾隨爲實業科科長應

照准此令

代理國務總理段祺瑞呈稱據奉天都督兼署民政長張錫鑾轉呈南路觀察使王樹翰呈請任命商寶

忠爲秘書王鑑清爲內務科科長溫義爲財政科科長鄭漢臣爲教育科科長應照准此令

代理國務總理段祺瑞呈稱據奉天都督兼署民政長張錫鑾轉呈西路觀察使錢鏞呈請任命沈嚴爲

秘書朱連潮爲內務科科長李樹滋爲教育科科長應照准此令



代理國務總理段祺瑞呈稱據奉天都督兼署民政長張錫鑾轉呈北路觀察使王秉鈺呈請任命戴斌為秘書管葆元為內務科科長高文垣為財政科科長王廷楨為實業科科長應照准此令

代理國務總理段祺瑞呈稱據黑龍江都督兼署民政長宋小濂轉呈黑河觀察使張壽增呈請任命卞輯元為秘書惠榮為內務科科長陳繼壽署實業科科長應照准此令

蒙藏事務局呈據卓索圖盟長東土默特旗扎薩克親王色凌那木濟勒旺寶呈稱本旗廣化寺班第達堪布道呢雅都導率僧徒忠順民國請獎給名號等語達堪布道呢雅都翊贊共和深明大義應即給予諾們罕石號用昭激勸此令

蒙藏事務局呈稱西藏卓呢納廈仲阿旺益喜傾向共和來京謁見請予獎叙等語廈仲阿旺益喜輸忱納賢忠順可嘉應即給予諾們罕名號用昭激勸此令

任命顏恩慶為全權代表前往和京會議禁烟事宜此令

徐寶珍授為中將此令

陸軍總長段祺瑞呈請將陳錦章前授陸軍步兵中校並加陸軍步兵上校銜原案取消改授為陸軍一等測量止應照准此令

領參謀總長事黎元洪呈請任命匯家俊為廣西都督府參謀應照准此令

領參謀總長事黎元洪呈請任命舒和鈞為熱河都統參謀長應照准此令

領參謀總長事黎元洪呈請任命劉恩鴻為奉天陸軍第二十七師參謀長應照准此令



陸軍總長段祺瑞呈請授趙啓明林亦涵陳樹德翁忠謫王深孫鼎爲陸軍步兵中校傅全懋爲陸軍騎兵中校包煥庚爲陸軍憲兵少校陳森俊何添紳吳俊杰陶質彬黃雪岩賀能斌閔壽焜江濤唐岱黎黃斌倚林文瑛爲陸軍步兵少校楊國祥陳桂森爲陸軍砲兵少校王嘉凱爲陸軍工兵少校應照准此令

陸軍總長段祺瑞呈核覆甘肅都督擬以羅開福補游擊劉尙忠馬國明李長齡補都司蔣福祥馬國景補守備請予准補等語應照准此令

蒙藏事務局呈稱核覆甘肅都督請獎南番拉卜楞寺厥圖克圖擬請准予封獎寺語南番拉卜楞寺厥圖克圖嘉木樣首贊共和深明大義應加封靜覺妙嚴名號其餘輸忱效順之各喇嘛等並由該都督查取職名呈候核獎用昭激勸此令

吳德振加陸軍少將銜此令

代理國務總理段祺瑞呈稱據貴州都督兼署民政長唐繼堯轉呈貴州省城警察廳長韓鳳樓呈請任命許文瀛爲祕書唐繼禹爲勤務督察長陳鳴鏘何光齡吳煥勳爲科長凌邦彥爲消防督察長何會銘黃德芳華族高文華馮藻韓政修梁興孝爲署長應照准此令

代理國務總理段祺瑞呈請任命呂達先署宜昌果賓局局長舒志觀爲沙市運消局局長應照准此令

任命華封祝署雲南實業司長此令

任命林炳華署廣西司法籌備處長此令

任命馬德潤署京師地方審判廳長賈晉署京師地方檢察廳檢察長此令



任命葉鏡湜署廣西高等審判廳長張人普署廣西高等檢察廳檢察長此令

任命季新益署江蘇實業司長此令

任命焦大聚調署甘肅提督此令

甘肅肅州鎮總兵洪山應回本任供職此令

陸軍總長段祺瑞呈請任命孫當時爲廣西都督府副官長于鳳岐爲廣西都督府軍務課課長熊靖孚爲廣西都督府軍需課課長石蒙涵爲廣西都督府軍法課課長蔡化文爲廣西都督府軍醫課課長應照准此令

陸軍總長段祺瑞呈核覆正紅旗漢軍都統擬以王景和襲世管佐領請准予接襲等語應照准此令  
茲制定步兵操典公布之此令

財政總長周學熙現經給假一個月所有該部部務應由署該部次長梁士詒暫行代理此令

陸軍總長段祺瑞呈請任命田永植爲甘肅都督府副官長應照准此令

陸軍總長段祺瑞呈請任命何鶴翔爲雲南都督府軍務課課長秦光第爲雲南都督府軍需課課長田人龍爲雲南都督府軍法課課長應照准此令

陸軍總長段祺瑞呈請任命何海清爲黔軍第一師步兵第一旅第一團團長楊杰爲黔軍第一師步兵第一旅第二團團長鄧太中爲黔軍第一師步兵第二旅第四團團長劉法坤爲黔軍第一師騎兵第一團團長應照准此令



陸軍總長段祺瑞呈請授陳鍾兵吳傳聲爲陸軍步兵上校彭文治爲陸軍步兵中校楊體震姚嵩爲陸軍步兵少校應照准此令

陸軍總長段祺瑞呈請授李志元張亞慶徐緯中張祖焱田養頤張松齡爲陸軍步兵上校劉學信張復泰爲陸軍砲兵上校郭文先爲陸軍憲兵中校張文星王榮勳郭經相彭壽遵潘受成爲陸軍步兵中校徐定青爲陸軍輜重兵中校張榮齡周承志陸維達余自翥張文煥爲陸軍憲兵少校句克明龔漢治陳九達劉國樑朱毓麟胡永奎楊鑑堂趙鴻瀟樂一鴻呂安邦孫常鎮寶果楊飛霞張國倅陳銓徐源治陳鴻圖石主義劉繼毅戴斌輔錢基博穆憲魁吳慶元易盛基王全勝劉聯福譚致澤徐廷械羅壽亭徐宏勝鄧菊榮彭榮廷宮國棟成仁浦周兆祥王慶祥黎澤霖戴興楊成生劉維植熊鍾慶李傳永陳偉續李福昌王柏齡周可時舒學成葉華巒朱崙黃令陳清鶴孫秉厚楊家驊譚瑞和高毓隆彭明俊盛忠信黃椿福李遇春汪瑞銘周銘超劉漢王文英傅立綱楊允華留芝芳盧祥麟黃哲楊彪達龍易厚坤趙忠培王慶九陳弼馮熾中周之鼎傅典藩李得明李芝鴻石德鑑劉騰周朝宗張國俊湯賢斌張和卿黃百鈞汪真朱毅章龔中權史子卿崔巍廖子英常泰旭鄒雲昇彭壽衡蕭家槐沈樹澤王冠倫爲陸軍步兵少校李長喈爲陸軍騎兵少校薛展民李源深魯清平江佩哲祁榮祖楊再寬邵鳳祥曹廣鏗爲陸軍砲兵少校廖俊楊日新吳保鏢陶意年劉佐臣陳孝義殷祖繼李調元爲陸軍工兵少校黃漢汪邁余華仁爲陸軍輜重兵少校應照准此令

陸軍總長段祺瑞呈請授周斗山爲陸軍憲兵上校並加陸軍少將銜楊彭齡湯心儻張輝瓚爲陸軍步



兵上校並加陸軍少將銜唐彥為陸軍騎兵上校並加陸軍少將銜江萬為陸軍輜重兵上校並加陸軍少將銜張樹勳陳鳳翔為陸軍憲兵上校吳洪煊葛敬恩為陸軍步兵上校歐陽幹為陸軍騎兵上校楊宇霆為陸軍砲兵中校並加陸軍砲兵上校銜譚孝傑郝國璽為陸軍步兵中校王垣為陸軍砲兵中校韓恆成為陸軍憲兵少校應照准此令

工商總長劉揆一呈稱僉事李漢丞錢永銘呈請辭職李漢丞錢永銘應均准免本官此令

工商總長劉揆一呈請僉事華封祝調滇服務請予免官等語華封祝准免本官此令

工商總長劉揆一呈請任命余懷清為技正吳鍾麟潘承業劉武彭世俊為僉事應照准此令

代理國務總理段祺瑞呈據廣西都督兼署民政長陸榮廷呈請任命何永福為實業司科長應照准此令

代理國務總理段祺瑞呈稱據廣西都督兼署民政長陸榮廷呈請任命何永福為實業司科長應照准此令

職此令

海軍總長劉冠雄呈稱技正常朝幹林獻忻派赴奧國學習請予免職等語常朝幹林獻忻應均准免本職此令

海軍總長劉冠雄呈請任命蔣拯王崇文為司長曾瑞祺許繼祥湯文城為視察高彤墀為科長鄭滋樺

沈希南為技正應照准此令

海軍總長劉冠雄呈請任命饒懷文為南京軍官學校校長鄭祖彝為烟台海軍學校校長應照准此令



海軍總長劉冠雄呈稱秘書陳宗雍現經交通部調用請予免官等語陳宗雍准免本官此令

海軍總長劉冠雄呈請任命陳震爲秘書應照准此令

△公件▽

▲以政部善後借款合同經參議院通過情形紀實

中華民國元年十二月二十七日先由國務院備文咨參議院爲國務總理及財政總長本日出席事是日學熙偕趙總理攜帶借款合同全文華英文各一份又謄印簡明及重要各條文附以九月所議大綱一百份到會議長宣告開秘密會議先將印本分送各議員每人一分然後學熙報告自九月以來依據大綱五條與銀行磋商困難之情形及現在所得之結果尙未出大綱之範圍其條件已達極點無可再進而按照前清宣統二年與各國所訂條約訂明本年新歷年底賠款到期應掃數清還英使早已開單俄使催逼詞尤激烈今已十二月二十七日距年底僅三日今日之來係奉大總統令特請貴院決定辦法時勢急迫如果貴院今日能通過此合同則明日與銀行見面後日簽字尙不誤賠款之期大局所關務請注意如是將合同全文順序報告宣讀畢將英文一份交議長就議員中指定精英文者某某取去細閱亦無異詞惟嫌名稱維新二字不確當答以此小節可商改議長乃宣言今日政府之意是來取決大家須定辦法當時議員中提議用表決法先表決特別條件大衆贊同遂由議長逐條提議均經多數可決其中第五款鹽務一節彼時有議員主張刪去或又主張作爲附件問學熙能否做到學熙謂此兩



層均已爭至千言萬語實做不到明日與銀行再爭倘仍做不到是否即不簽字是否即須到院報告而議員謂斷不能因此一節耽誤大局乃以仍辦不到即照原案表決多數認可迨特別條件通過該時以已屆五鐘議長言今日必須全案通過可否延長一點鐘衆皆贊同議長乃問普通條件應否逐條表決議員中有謂此普通條件可作爲一次討論一次表決者後又有謂此無大推敲可毋庸表決者於是衆將普通條件覆閱一遍均無異詞學熙乃言此普通條件有兩件須聲明者一爲利息政府意見執定五釐而銀行現要求五釐五將來學熙一定不使越此界限再一件爲折扣政府擬援照隴秦豫海成定爲隨賣價准銀行坐扣六釐用錢此層銀行已經應允但彼要求五釐五之利息則票價自望稍高我祇允五釐利息則票價自必較低此節請注意議員中多數謂債票息率關於國體寧可使票價低不可使息率大學熙言政府所持亦是此義當是時議員有陸續退席者最後有二人起身甫離席議長止之謂現在法定人數僅多一人今日之事關繫緊急明日即來不及務必稍留將全案通過於是此兩議員仍就席議長乃言普通條文經大衆毋甚討論即爲通過毋庸表決衆皆贊同學熙又言政府此次借款爲時勢所迫實出於無可如何即學熙降心忍性與銀行磋商亦備歷生平未有之苦境而外邊仍有閑話謂此中尙有沾潤此等無稽之談原不值一笑但將來如有正式文字道及此者學熙必與之訴訟學熙自問庸愚而生平歷政界二十餘年從未受過分毫此種回扣况國家辦此借款稍有心肝者何能再生此妄念此心天日可表衆皆鼓掌議長乃言合同今日已全通過政府應趕緊辦畢備印文到院備案學熙唯唯於是宣告散會此當日通過此案之實在情形也學熙如有一旬虛做罪甘萬死查中華民國參



議院法第三十八條關於法律財政及重大議案須經三讀會始議決但依政府之要求議長議員之提議經多數可決得省略三讀會之順序第三十九條政府提出之議案非經委員審查不得議決但緊急之際由政府要求經多數可決者不在此限克力士卜海蘭鐵路之兩案均依此辦理第四十二條參議員於議場上臨時動議附議在一人以上方成議題得請議長付討論試問此案前參議院之議決通過爲合法乎不合法乎如謂手續不完則當時前參議院應拒卻不議既未拒卻而又經議員提議成爲議案則議決後當然發生效力政府覆行議決之案卽是尊重立法不得謂之違法學熙因病不能出席然其有天良決不敢作欺人之語謹紀事實以代親供現在參衆兩院內原本當日議員不少果秉公理當能追憶之伏維公鑒



## 湖南政報處簡章

- 第一條 本報記錄湖南政署之一切文件使人民有所遵守故定名曰湖南政報
- 第二條 湖南省各政署關於常揭載本報之命令文電應每日彙送於本報編輯部
- 第三條 凡湖南政署通行各屬文書均由本報刊布但單行文件或未便公布者仍另用文書傳達
- 第四條 凡未經本報刊布之章程文電除政府公報外其他報紙及印刷物登載者公牘中不得援據
- 第五條 凡法令除專條別定施行期限外省城以刊布本報之日起各屬以本報遞到之日起均有遵守之效力其先期接有公發印電及單行文書者不在此限
- 第六條 本報到達各府廳州縣後所有報費及郵費應責成各行政廳按月送至本政報處
- 第七條 各府廳州縣之行政廳收到本報後應將收到日期及報載公文已否遵辦情形彙報都督府
- 第八條 各政署送刊之作以送到之先後挨次登載其收到時刻以編輯部收登次序爲據
- 第九條 本省各政署各公共團體皆有購閱本報之義務
- 第十條 本報每月出版十冊每二日出版一冊其發賣之定價每月份售銅元三十八枚每冊售銅元四枚



一 二 三 四 五 一 二 三 四 五 六

湖南政報刊目

命令

都督令 各司各廳各局令

呈批

公電

公文

通告

議事錄

省議會速記錄 政府會議發表事件

(轉錄)

中央命令

總統令 閣令 部令

中央公電

各部呈批摘要

中央通告摘要

國會速記摘要

各公電摘要

公電 公文 說明附

一 二 三 四

本報所記錄以本省政署所發交刊佈者為限

凡由政署合各行政官所發表之意見書得列入通告門

政務會議事件之須發表者或以速記錄形式發表之或直舉某事件理由結果發表之由政署明定

本報轉錄政府公報除中央命令公電外餘皆摘要而錄之

(甲)呈批摘要其與本省有關係者或與全國重要問題有關係者

(乙)通告則取其公佈事件效力長久者

(丙)國會速記錄摘要其議事大概及議案之結果

(丁)各省公電摘要其重要而關係全國或本省者

(戊)凡各省政署特別注意事件由政署指定記錄或由政署預示其特重之政議於編輯員